


中國邊境史料通編

(秦—清)



中國邊境史料通編

(秦—清)

寒香館遺稿卷二

梁溪辛陞克羽著

罪言亦曰懟言亦曰恤緯言

酉戌之交天崩地坼亡國之辱自有乾坤以來未有甚於我明者矣逋民深求終始得其致此之由五十餘端嗟乎興隆之道不百不全敗亡之原得一已足況纍纍秕政若明季者乎請得而指數之

一曰都燕

高皇之定鼎金陵也控江淮臨甌越枕湖襄而屹然巨

鎮乃在五千里之外如朶顏三衛以暨遼海九邊大將
重兵建牙列燾使夷虜望神京如天上可聞不可卽雖
有叵測諒無能遠涉萬里之外與京都相薄也文皇帝
移都燕雲是以天子之尊而自將屯邊與夷虜爲市也
自後土木之難沒世不復遼鮮之亡接踵相繼四方盜
賊又以天威曠遠無可忌憚釀成闖獻弒亡之禍此其
失有不可勝恨者矣

· 一曰棄三衛

高皇帝遠驅胡虜至北斗皆南燕山以北設朶顏都司

者三置重兵於虜人腹脅之間使之進有所忌退有所畏此控禦之遠猷也文皇帝乃德其脅佐靖難之功棄三衛以與之是與盜賊爲鄰而自培其垣也

一日棄河套

河套國之西北陲也沃壤二千餘里內產五色棉花屯種相資兵農相守足以富又足以強其始也先不敢臨河牧馬繼則盡以委之而不復以一矢相向無具甚矣

一日啗虜

中國四夷不容兩大非我事人則人事我事我則我爲

之君事人則人爲之長和親非長便之策歲幣乃無何
之計虜臨城下我固曰彼索償也焉知彼不曰索貢乎
土木以後歲輸金帛數十萬惟恐或後固已目無中國
矣何惟乎其數入內地也

一曰廢屯

九邊雖云沙漠順土性而樹藝之必可以得菽粟自屯
政廢而數十萬獷悍之兵待哺於中原輸粟種鹽則病
商挽粟黃腫則病農商農病而兵亦弱幾何其不流爲
盜寇也哉

一曰籍戍

國家寓兵於農井里相望什伍相守不論邊牆內地皆可通行無何籍天下之農而爲兵去而田廬棄而妻子已無樂生之心安有死綏之志望之如雲流之如水豈足恃乎

一曰資相

一人登朝萬國觀瞻四夷稱賀是以唐虞枚卜殷周夢訪至重大也至我明而循資涉級矣僉儉小人偶躋清華輒思大拜庸碌下士積彌歲月亦望鼎台臯夔伊傅

在尺籍上指數耳此大弊也

一曰銓額

任官惟賢位事惟能公綽優趙魏之老士元非百里之才銓衡用人正如范金材木當可而施我明則不然榜分甲乙則輕重懸殊職列內外則榮辱迥異古人特重刺史而我明竟等之已燼之灰先朝最重藩司而我明竟擠之外吏之末無非輕百姓以致此

一曰弛武

夫天下以馬上得以几上治理也始也非軍功不王何

其隆且重也承平日久弓刀廢弛至以二三品龍韜虎
賁之將而稱走狗於六七品文階者有矣瓊林鷹揚恩
寵同榮而文武倒換則差池三級無乃太不情乎厥後
四鎮驕蹇凌虛卿相脅制朝廷亦出反之勢宜爾矣

一曰世襲

將軍都尉惟力自視謂其足以勘亂除不道也非可概
望武臣之子孫也是故有父兄爲大將而子孫無縛鷄
之力穿縞之能者矣卽曰厚道宜敦夫亦世祿不世官
可也獨奈何襁褓簪纓而以國家有用之官方置之無


用乎

一曰恩蔭

台輔大臣以及八座諸卿三年秩滿例得封蔭夫父以子貴祖以孫貴此賢子孫之志也若子以父貴孫以祖貴恐非賢祖父之心也且國家何不留此隆隆之名實以待賢者而令富貴者之子孫亦黽勉上進乎

一曰粟監

夫成均之地固儲才籲俊之所有事也世子適子以公卿大夫之子國之俊選與焉他固不得而入也故郡縣



灤州志卷七

封域志上

疆界

州治 在永平府城西南四十里

東西廣百二十四里

南北袤百七十里

東至灤河五里與昌黎縣界

西至鐵城坎百二十里與豐潤縣界

南至海

北至小橫山營十二里與盧龍縣界



卷一

東南至汀流河四十五里與樂亭縣界

東北至偏涼汀五里與盧龍縣界

西南至開平九十里與豐潤縣界

西北至趙各莊三十里與遷安縣界

東二百二十里至山海關

西五百里至

京師

案明史灤州舊治在遵化界之沙峪

今榛子鎮有石刻灤東巨

鎮其蹟尚存

永樂元年始徙置於此

卽義豐舊城

遼史云石

城縣在灤州南八十里蓋指沙峪之灤州而言也

建置沿革

自封建廢而郡縣分割綴補截派分益繁漢唐以來代各不同豐雖葢爾邊陲興革變遷亦多故矣爲縣爲務爲郡治爲州爲宣徽院署羣書可考指掌列眉庶乎馬伏波之聚米成山瞭然在目云爾志建置沿革

虞分十有二州豐潤屬幽州

周封帝堯之後於薊召公奭於燕

春秋豐潤爲無終子國

秦置右北平郡豐潤縣名無考

水經注秦始皇二十二年滅燕置右北平郡治

漢書注右北平郡秦設

漢爲土垠縣

顏師古漢書注垠音銀

徐無縣屬右北平郡

水經注巨梁水出土垠縣北陳宮山西南流逕觀雞山謂之觀雞水又云庾水出徐無縣北塞中方輿紀要庾水卽庚水以陳宮山庚水考之豐潤爲土垠徐無二縣無疑也

後漢移郡治於土垠縣

晉移郡治於徐無縣屬北平郡

後漢書郡國志序先書縣名者郡所治也又云

右北平郡四城土垠徐無俊靡無終晉書北平郡統縣四徐無土垠俊靡無終

後魏廢郡治土垠徐無二縣屬漁陽郡

按土垠縣有二後魏延和元年置交州太平真君二年罷州置安樂郡領縣二土垠安市此今順義之土垠非豐潤土垠也而方輿紀要乃云土垠廢縣漢置屬右北平晉屬北平郡後魏屬漁陽郡後屬安樂郡是混而同之以後魏之土垠錯置於漢之土垠矣且援豐潤之陳宮山以實之又烏知隋書所云後齊